

四庫全書

集部

欽定四庫全書

御製詩二集卷五十四

古今體一百十首

乙亥一

乙亥元旦

青旗東陸肇三陽發歲開春近萬祥寰海耕桑祈有慶
慈寧福壽祝無疆

天禧暘雨協洪範月竈衣冠會建章

時內屬之烏梁海
部碼木特等咸與

朝正
之會

敬畏一心恒不息更籌戎索奠遐方

歲朝試筆

威鳳鴻龍運斗樞履端首祚肇昌符共球會極自南北
府事歌功奉典謨銀燕祥凝春日帖銅仙慶叶歲朝圖
曉來三素雲東見聞說三元謁玉都

乙亥年逢乙亥正壽徵

慈壽祝傳生惟祈介祉增

王母底藉新詩紀願清氣轉青陽思布澤化行勃律志
銷兵好春七日先新歲百福昌昌遍九瀛

乾清宮宴親藩即席賦句

俶春始運啟元辰曲宴乾清會懿親同有殷心祈上歲
從來樂事首天倫欣徵人壽樽浮柏漫詡仙厨脯擘麟
和氣一家時歛福便因敷錫萬方民

正月二日曲宴廷臣

泰階圜照麗路寢向陽開共迓青韶祚堪陳白獸杯在

懸編磬舉入綴七槃迴簪黻頒新附

薩拉爾禡木特皆
命為內大臣是日

亦在座

提封奠極垓五言羣可賦三爵漫須催莫我稱揚

亟佇茲弼亮才

正月二日降旨加賑去歲被災下河州縣

普天樂新歲數縣鳴哀鴻念此嗷嗷民孰非懷保中乘

春宜布澤況彼四者惇叶南望沮洳鄉連歲鮮遇豐賑

恤雖頻施豈盡蘇疲癯一夫不獲所飢溺吾應同面咨

授方伯

江蘇巡撫莊有恭朝正至京禮畢即命回任查賑

接賑勅司農邇聞水

漸涸麥種虞全空速給耕及時或得飢腸充剔鬻乏良

方勤民惟省躬

題李成大禹泣辜圖

露收臨康衢下車泣罪人匪事疑惟輕豈博矜曰仁弼
教苟無術抱慙良有因痛茲桎梏者猶然堯舜民自以
心為心允由治未臻數世異醇漓三千年可知

詠玉鵲

公輸逞奇巧方朔識晴陰恰似來員嶠非同集泮林羽
輝真擬玉音吉式如金繹詠他山石風人寓義深

題倪瓚江雲館圖

泖中風雨過清明

倪瓚自記云清明後一日風雨阻泖中檢米友仁江村讀書詩補圖云云

命筆聊抒旅客情書屋江村補虎子閉簾開卦合君平

沙汀近喜橫橋接春水浮知野艇輕別裁去聲雅傳詩十

二刻舟惟是笑唐生

卷中唐順之題云倪元鎮補米友仁江村十二景余得於京師但恨

失去米書不意中復得之合為一卷寶藏之今卷中無米書然既得倪畫即不得米書亦無足恨故云

祈穀齋居

微霰雖飄望密零經冬顯佇不遑寧首勤農政祈初歲

仰冀

天禧佈始青人日欲迎輝勝綵元正甫過頌椒馨致齋
宴賞都無事朝夕疇咨引在廷

詣齋宮

太和

祝帛例虔瞻

別祭皆於中和殿視祝版惟
園丘祈穀例於太和殿視之

詣次齋居

致敬嚴翠輦平臨黃道直皇州春色富閭閻

葩瑤金根迺遞排叩

壇閱豆典儀皆西墉一室明窓靜

齋宮在
壇之西

今昔年光入

緬懷

祈穀禮成述事

祈年寶殿集諸祥祭重初辛典制詳恰慶元正符歲德
喜臨人日祝金穰時和農稔陳恒願

天與人歸沐寵光更異

鴻禧奠西極王臣率土樂安康
時準夷內亂來歸者接踵因命出師戡定之

紫玉韞

瑞珎
紫玉曰珎輪圓恰中
去聲規虛中聊命襲人為闈弦資力

那愁勁抔矢當機未可遲
紀異空傳張匡鄴取端寧藉
庾公斯紫雲在手懸銀月
雅似南山暈彩時

姚廷美有餘閒圖

山複松陰白晝涼
蔭茅小築讀書堂
恰如蔣氏開三徑
不擬荆人鬻五羊
坐弄偏欣流水活
起行遠謝世塵忙
展觀聊寄片時興
思日孜孜暇未遑

人日

舒疊東皇橐籥權上辛
昌節試辛盤
錦裁天鹿春書吉

竹舞仙鸞日報安熨齒香風韭絲綠盎心生意慕芽丹
勅幾殷念勤宵旰省歲休徵叶燠寒

新正重華宮恭侍

皇太后宴

慈祥門對啓祥開西望鸞儀

王母來寶勝瑞凝人日帖綺筵

壽介紫霞杯和風未覺舒宮柳晴旭渾看綻殿梅入夕

九華迎令節更聞萬戶開春雷

新春瀛臺即事

步輦平明出趵臺湖山氣象已韶佳
延樓綺畫連三島
喜爆春聲達六街報午蓮笳明遞漏
向陽蕪毯隱留芳
雲容西北看來重擬綴天花點玉階

補桐書屋

倚巖書屋洒然清簾上韶光泛額旌
幾暇悅心古圖史
新春行樂小蓬瀛墨壺琴薦相前後
舊詠新裁自品評
靜聽市聲真富庶幾多返樸厘子情

題千尺雪

假山皴石黛迸水噴冰花小擬吳中雪
兼陳惠上茶畫情饒是秀春物盡惟嘉
研淨甌香處心田沃道芽

閱古樓

精華四壁萃球琳通會叅餘怯背臨獨
喜惜陰澄靜照更因稽古契遐心

倪瓚水竹居即用其韻

水繞坡陀竹抱居蕭閒景趣寫無餘綠
含細籟經風後

潤帶朝煙過雨初
問字惟應知稼穡
著書何必注蟲魚
笑他阿那幽深處
往歲無端目擊予

新正恭奉

皇太后幸圓明園

乘春行慶

大安扶歲歲仙園奉

燕娛迎節林光纔澹蕩
向陽物意已昭蘇
山亭水榭舊題品
銀燕金鳧新畫圖
閣雪輕陰頻釀勢
望滋麥壠幾

躊躇

春日舍經堂

曦影窓櫺篩紙紅
禮園書圃樂冲融
六經也自無多字
古往今來用不窮

顧翰寒齋話舊圖

竹樹蕭疎半欲凋
雪溪又報折梅腰
客來並坐茅簷話
漫擬高軒過訪焦

新正小宴外藩

樂懸爵坵設昌辰
笑語無須藉舌人
曼衍魚龍戲百技
髡髻撲跌力千鈞
近筵賜飲酬嘉客
列座傾心稱世臣
百歲懷柔安牧圉
即看月竈普來賓

上元前日小宴廷臣

風物新春漸裊怡
蟾光迎望印晴池
重茵列座聊酬節
江研宣毫正及時
爵不言三一巡
足宴恒居後
預開宜

比歲皆於十六日
錫宴今乃在節前

詞臣底識偏榮幸
綺席頻叨為解詩

花雲藕樹綵飄蕭
節景仙園日報韶
醑讌昔曾聞慶厯

賡歌茲蓋法

神堯

我體詩係康熙二十一年正月十四日

皇祖昇平嘉宴同羣臣賦柏梁

稿詞早見

七言就獻頌休稱六幕調同有殷心希雪澤可能快意
賞星橋

梁師閔蘆汀密雪

院本橫暉識瘦金雪溪宛轉荻蘆深駕鵞兩兩相隨逐
不為巖寒異故心

鼇山聯句

有序

龍樹雞蓮艷名人之妍唱星橋鐵鎖徵綺節於良
宵時際昇平歲逢吉亥御

金輿於上苑介瑤島之

長春繡陌歡聲萬戶春雷競響璇霄瑞彩一輪明月將
圓黃幄張筵既名王之畢集華牋染翰復仙侶之
偕來爰命聯吟重循前例體標禁火湯疑寒食居
先題擬登瀛原在鼇峯最上添作西清之典故并
成元夜之佳談

御製不夜城中祇樹園天龍激水浪花噴駕來海上休稱

六

擎出壺中獨據尊樂事眼前呈萬象捷聲風外報

千門浮嵐妙具環瀛秀

臣傳恒

虛谷能回大造溫無

盡自堪叅動靜恒春那復計朝昏芙蓉削出三峯

華

臣史貽直

御製竹箭分從九派溢羣友銜花濯駟鹿跳騰拾粟捷飛

猿機心湯擬漢陰誚

鑿竅還看混沌存，霧閣雲樓蒸蜃氣。顛崖秃樹嵌

漁村鐘，聞遠寺僧歸錫。

臣陳世倌

笛弄前坡牧縱犍，聯

尾舳舨浮綵鷁。遨頭憶蓋擁朱幡，融怡方丈凝晴

翠

臣蔣溥

御製晃曜觚稜射曉暎，藕樹不根千錦紋。鸞笙自譜六么

翻新安無骨，徒傳古

西域重輪詎絕垠，曉靄林光丹作纈。參差石勢黛

皴礐，月明緱嶺初翔鶴。

臣汪由敦

風使天池欲運鯤，曲

曲畫屏橫可展羅羅星緯近堪捫昆鯨立處看疑

動

臣嵇璜

御製靈鷲移來峙更騫鵲豈公輸飛碧落人如曲逆舞垺

垣傀儡空說梁鍾咏

曼衍寧同漢室論趙壁一軍驚赤幟封姨八面護

花旛明霞界道相輳輳

臣劉綸

朗旭凌濤恍簸掀定

有網維空際運誰教線索拍端掄低昂水磴遲還

速

臣裴曰脩

御製往復繅車寂亦喧巧幻想曾探月窟竒蹤直欲遡河

源牽絲刻木神全出

倒擲尋橦手競援萬點遙臨華渚動九苞先暎慶

雲屯潛宮犀徹俄驚嶠臣介福古戍雞聞每起琨舍

利眩形齊躍躍偃師導舞屢蹲蹲鏡邊鸞翮時離

合臣嵩壽

御製頷下驪珠互吐吞馬似欲行還乍止客疑對語却無

言王珪傑撰誰能和

張說新詞試再繙素簫吹嘯彰品物端倪豁露闌

乾坤拂桑綺散東西崦

臣觀保

簡電塵銷大小宛砂

步通林窺鼠馳虹梁飲練駕鼉鼉露盤曉滴銅人

掌

臣彭啟豐

御製

乳竇春融玉女盆威鳳祥麟相霍靡金覓銀燕鬪紛

緼游絲影裏光無定

刻漏聲餘聽有痕貝闌三千開馭娑層城十二儼

崑崙化人齒菖璽瓏塔

臣于敬中

仙子簪簪詰曲樊列

缺施鞭頻閃閃倥傯舉袂或軒軒
光音天捧優曇

現

臣董邦達

御製妙鬘雲籠佛日暄明處琉璃渾作界
靜來道德卽為藩底須園史能談夢

好與坡仙共紀恩影颭流蘇紛絡索
氣兼芳以發

溫磨媧皇奠後長扶極

臣錢維城

龍伯持將不藉輪輿

頌康衢諧徵角賡歌

秘殿叶簾塤於今勃律通重譯

臣金德瑛

御製

喜見呼韓侍九閣奢戒乾淳詩百種奇傳列子戴三

番昇平嘉夜同人樂保泰殷心勵體元

上元燈詞

燈事樓西萬景融晚來更定紫瀾風人和歲美叨

天賜合展新圖共慶豐

受吏康居復呼偈來庭烏弋與黃支去年萬樹園中景

去年都爾伯特親王策凌輝特親王阿睦爾撒納等先後歸附宴於避暑山莊萬樹園皆設火戲賦燈詞紀之

例此重開莫湯遲

鼇背銀山雪海濤宜人節物玉梁糕乍見青煙飛碧落
旋看翠火綴蒲萄

捷報春雷是喜聲功參橐籥蟄蟲驚明朝試向東園看
綴樹花開萬朶榮

炬樹千行輝鶴燄星橋百道爛虬膏宋家兄弟墳簾叶
一自清貞一自豪

吉祥雲擁慶霄樓

王母來臨樓上頭祝壽外藩將內史承

歡萬載復千秋

玉蛾銀燕一番新
今歲元宵倍可人
只有西山剛對座
年年如是翠嶙峋

已看火樹呈嘉夜
益異瓊花被大田
百歲昇平匪易致
持盈惟日勵乾乾

新正萬壽山

幾務新正暇有餘
名山咫尺一尋諸
連林翠色知猶勒
疊嶂韶光覺漸舒
湖濶還存過冬鴈
春來已陟負冰魚

心殷望雪日滋切南畝應臨舉趾初

樂壽堂

山水智仁德春秋樂壽堂題名標有志游息勵無荒窓
罨煙雲態座圍翰墨香少停旋命駕自哂為誰忙

惠山園

玉蘂山茶古榦梅唐花不較地爭開何當圖畫天然裏
借得梁溪烟雨來

自玉河泛舟至玉泉山即景雜詠

春入年前氣已暄
玉河解凍水沄沄
緩輕浮畫舫纔經刻
早喜沿流遂得源

柳眼將舒弱自扶
水村山墅接川途
箇中頗有豐年景
疊鼓聲喧賽紫姑

耕織圖邊一艤舟
來觀織作豈來遊
萬方衣庇吾恒願
張氏還嗤為已謀

靈源不凍碧波涵
松籟嵐光愜靜叅
指點壁間題綠字
云何瞥作隔年談

春日玉泉山

山水清暉効靜真
棣通土脉潤無塵
依然庭宇原如昔
底事情懷了向新
暗竇明亭生色畫
唐花溫樹可人春
上元本意田蠶重
雲出何妨魚疊鱗

竹鑪山房試茶

春爐煮春水
春茗滿春甌
却笑相如渴
寧同陸羽流
湖光簷上下
山色鏡沉浮
一晌思靈隱
冷泉亭上頭

燕肅春山圖

可望春山萬景賅高人
策杖共徘徊恰如摩詰尺魚寄
招得關中裴迪來

唐花謠

聞道恒春乃洞天四時花發誰使然
女夷已假花師柄花師得竊女夷權
女夷過非花師過柔紅嫩紫紛無那
廿四風番信全爽十二月令名虛播
冬葩夏藹無不有速成還恐遭先朽
黃山松樹笑蒼顏共渠且作忘年友

春陰

過午方熹微入夕漸霽霽顯澤經三冬希恩切五內山
峯隱欲全地氣酥方載燈事亦已罷閑後靜可愛而我
安能靜露立瞻雲在

遣興

煇炮春釭荔撒筵每因靜致驗華年遠村底事猶鳴爆
淨几聊堪一展編楊震四知何謂弗帝堯三宥想當然
園林懶涉韶光穉却是韶光穉可憐

易元吉聚猿卷

刻意入山居

錢舜舉跋云元吉初師趙昌恥居其下乃隱深山陰窺猿狙變態曲盡其妙

傳

神寫戲狙詭稱君子變沐比楚人如掛樹騰而迸飲泉
軒且渠不因眈置酒羈絡詎加諸

詣

暢春園問

皇太后安

上林行慶奉

徽慈日日承

歡祝介眉安樂歌中度華節裔卿雲裏

駐瑤池柳稊福地爭先發冰泮靈源不後期春永

壽萱

國中

皇太后所居殿名

香穗細民依政要奏移時

昆明湖泛舟

暢春詰旦問

安迴閣部封章畢攬裁便路還因幾有暇泛舟正喜凍
全開

鳳池春水碧溶溶雁已迴翔魚未喁却見湖心望蟾閣

晶盤擎出玉芙蓉

會波樓畔進蘭舟似酒新波綠正柔一帶西山恍三竺
隄煙拖際影沉浮

花胎寒勒柳條輕詩品虞鄉最有情一字由來不曾著
風流盡得是昆明

藻鑑堂

湖心構築中有池表裏映徹涵琉璃水態雲容冰泮候
日麗風條春淺時漾舟恰到澄鮮處不涉來即欣始遇

蜃窓鈿几一憑臨題額當前觸體悟朗朗何能似德操
汪汪且喜挹叔度

景明樓

隄上高樓一徑通六橋映帶柳絲風迥連上下天光碧
分入東西水影紅謝朓詩情摹霽景仲淹記語寫澄空
汀蘭岸芷芳猶未鼓動生機寂靜中

石舫

畫舫輕移石舫邊維之小憩紫茵筵異同不必生分別

一例空明萬頃天

水周堂

一帶壽山右數間明水湄圖書千古秀煙月八窓宜蒲
芷微馨動松篁遠籟吹西峯雲吐重甘澤願乘時

雪

正月二
十七日

澤華紛撲復攢團密勢濃陰釀峭寒望過三冬猶訝夢
校來五寸得差安方圓圭璧皆成象次第園林頓改觀
况是紐芽遲麥壠及時心為扈農寬

雪中萬壽山

位置林亭為暢懷憂來祇益鮮推排試看咫尺依然在
何事今朝始覺佳幻似芳韶發萼萼潤從葶甲連根茁
濛濛遠共溪煙合喜與俱之詎有涯

即事四首

望雪心憂得雪喜吾心憂喜摠因民今朝饒得看山色
始覺仙壺別有春

昆明萬頃鏡光開煙意空濛泛艇來比似瀟湘米家畫

可能無有玉山裴

松猶蒼翠柳垂珠散漫迷離幻有無識得女夷工點綴
瓊葩紛綻錦春圖

六橋那辨水西東鳬雁聲聞緬邈中恰意前春聖湖上
雨絲風片不同同

雪中泛舟至玉泉

為愛迷茫態聊尋汗漫遊著波原是水綴浦不分鷗玉
障一川外梅花萬樹頭本來覓詩者莫認訪人舟

前日謁靈宇

以不雪禱於玉泉龍祠

抒誠冀沛恩由來霑尺澤始

覺沃心源山色銀鱗鱗泉聲趵突翻勾芒幸未達慰聽

老農言

麥方長而遇雪則易傷老農云今麥始紐芽於雪為宜

峯痕青半滅松色翠仍凝辦得操金石何妨冒雪冰收

來清莫比烹出品全勝第一泉應道毋寧要以恒

泉品以輕

為貴莫輕於玉泉唯雪水較輕然雪水不恒得故當以玉泉為天下第一予於記中嘗詳言之

弄珠室

嵌巖得精舍虛窓俯清泚光明照幾乘錯落呈萬琲叶

濟南將衛源同異何彼此池魚那慮彈辭窮淮南子

近青閣

瑤嶼青雲表今來迴不侔花霏銀錯落枝綴玉雕鏤
遠俗諸緣靜迎人萬景投未闕吟緒逗片刻也應留

玉泉泛舟之作

玉河達玉泉涖止舟便繫入園更進舟靈源波浴翠峯
影落畫綃鯨音引禪思靜契一泓深澄觀萬物脩

題宋人鵲鷁圖

獨立乾荷上而無飛鳴音設非錦里意定有陟岡心

鳳凰墩

潸沆俯神池岑巖聳畫楣將融樓雪重欲泮渚煙遲繪
事窓中納芸編座裏披予心生慕處韶樂九成時

長河進舟川塗即景三首

時復凝雲時復晴漾舟春水一篙輕王郎體物真奇絕
大似山陰鏡裏行

兩行隄柳嫩纔稊誰貫明珠萬縷齊却憶衝煙開畫舫

垂虹橋在廣陵西

寺枕長河古樹森了難著語去來今
闍黎望幸非孤負
且聽鳴榔軋軋音

樂善園

別業枕長河天然具邱壑積雪淡無痕
韶春欣有腳巖
谷耐幽尋池館足清託蕪向陽鋪茵梅不烘
舒萼發生
咸善機吾心契真樂

曉春瀛臺即景雜詠

春祈將屆還清禁西苑因之路便臨都為前朝甘雪足
仙臺物物悅予心

液池新水嫩鶯兒浮拍蘭舟畫裏移却憶冰嬉曾幾日
迅於駒隙莫如時

簷間雪是嶠山雪試問支硎更藉無恰喜收來仙露潔
竹爐茗椀試斯須

明亭曲砌淨無塵和淖昌昌報好春却上慶霄樓上望
畫屏直北玉嶙峋

道寧齋

液池冰已泮著處可撓停窓納峯遙白階含苔嫩青韶

光纔醞釀春物未薰馨靜觀

去聲

孰無志艱哉以道寧

畝鑑堂

千年古井事新淘山半渟流學濮濂何必本來較高下

鑪峯還比瀑簾高

看畫廊

迴廊詰曲稱看畫看者原為畫裏人步步景移朗朗照

故知倪范鮮精神

春日齋居

致齋居朶殿明裡居春祈積玉駕瓦重稷雪復霏微稗
韶已盡邕體乾凜奉時望澤三冬過翹心午夜馳旋轉
賴化工忤慰寧有涯

二月朔日復雪

先集纔看霰頻施恰及春山如重戴玉池似屢鎔銀優
渥三農慶欽承大造仁獨思郊野外寧乏凍僵人

落迥纔飄墮鋪墀漸委繁過時休頌瑞及凍得稱恩乍
覺皺雞樹何須宴兔園遐心到齊豫曾否遍斯番

入畫堪稱活乘春普被膏梅心真是潔松頂得能高融

溜垂駕瓦餘寒切毳袍王臣奠西海跋涉塵勤勞

將軍班第

永常等帥西北兩路官兵進討
準噶爾時已在塗故念及之

玉雞

誰琢峯山璞宛看陳寶雄詩傳丹禁裏經注洛川東猜
晚如思闕軒心那就籠宵衣陳座右可擬詠齊風

題張宗蒼秋景

黃葉村中釀熟時
旅人紅頰影鞭絲
高樓亦有遄飛者
宋玉繁欽更若為

山東巡撫郭一裕奏報得雪

青齊昨歲秋成好
冬麥垂時佈種寬
望雪心寧異遠近
今朝為爾喜加餐

雪後

雪後宜晴暖
青陽萬物滋
溜垂高下瓦
澤滿城平垵
齊

處幾多暇時和敬益持鴻鈞普汜被與物共春熙

文伯仁秋巖飛瀑圖

瀑奏琴瑟聲巖張錦繡色錦繡較猶俗琴瑟擬豈得高
人世表致聲色詎能域造物無盡藏耳目之所食

春祈

社稷壇

物土敷壇五色方

祈禋親詣練時良夏松殷柏對誠妄

后稷勾龍配克當八政農先誠國本四時春首祝年穰
前朝甘雪霑優渥舉趾東郊正叶祥

承光殿

祈春迴法駕路便一登臨雪積西山遠波涵太液深盆
梅新歲色庭檜古時陰韶景融芳潤因之暢素心

詣

暢春園問

安後遂至萬壽山即景雜詠

駕轉詢

安詣

暢春

高年佳社並春臻
邇來雪後心多慰
便訪名山趣好辰
陽崖土潤生芳草
陰巘雪餘皴
古松嶺頭南北聊憑望
董策分明春勝冬

昆明冰泮下鳬雁
色色形形豈強上聲
為仁者見仁知者
知義爰不待繫之辭

鎮波金牒飲溪流鏡影新開一放舟耕織圖邊恰艤岸
從人湯擬女和牛

清可軒

山陽放舟山陰泊捨舟拾級窮巖壑曲廓窈窕達幽軒
翠壁一房清可樂詩鑄滿壁歷年心向來憂喜何處尋
嗒然了知昔非昔底須更道今斯今

翠籟亭

仲月始載陽萬木未向榮連林雖突兀愛此翠籟亭太

古有真韻四時不改青窓畫無盡藏簷吹去聲有餘清謾
謾窅天一非人間色聲

鏡橋

冰鏡寒光水鏡清清寒分判一隄橫落虹夾水江南路
人在青蓮句裏行

墨妙軒

佳處敞軒名墨妙導之泉注頃山安茗華兩壁千秋粹
即境神詮欲契難

微雪

望雪纖雲生亦艱既雪易雲雪亦易西山蒼蔚復藏曦
粒霰傍晚霏微墜不雪固可雪亦佳又虞凝寒勒生意
告六出花寧且停為三月雨占農瑞大哉天地猶有憾
吾安得俾斯人心各遂

題陸治桐陰高士

童子烹茶石鼎煙桐陰日午且高眠不雕朽木雖鳴鼓
無礙仍稱言語賢

晴

粒雪微零傍午晴隄煙潤潄柳條輕已看芳埽都含澤
不礙新芳各向榮歷歷景光繪江國明明春色麗皇京
邇來時若堪欣慰益惕吾心戒滿盈

河南巡撫蔣炳奏報得雪


優霑春雪報中州慶為三農卜麥秋亦慮征人勞跋涉

權其輕重喜勝憂

時西征軍士分隊
進發方歷豫境

題張宗蒼山水

湖山表裏湛華滋
惜景高人蹠步遲
譜入聲詩真恰當
鬢頭童子抱琴隨



御製詩二集卷五十四

欽定四庫全書

集部

御製詩二集卷五十五

六

詳校官尚書

臣德保

助教

臣

常循覆勘

總校官原任中允

臣

王燕緒

校對官學正

臣

卞維吉

謄錄監生

臣

張同履

欽定四庫全書

御製詩二集卷五十五

古今體九十八首

乙亥一

擬皮日休雜體詩有序

皮日休集中有雜體詩一卷自序謂由古至律由
律至雜詩之道盡乎此而推其原出於樂府其言
始近於夸夫西始六義者詩之正至於雜固其緒
餘枝末耳游藝閒情涉筆成趣文心所至出奇無

窮大雅不廢良有以也幾餘多暇戲擬其體間亦
自出新裁具錄如左

擬雜言

刻漏丁丁剎那不停日復一日百年此聲云是現前瞥
然已遷去來今者名也非堅謂學佛言佛無我分了當
忘物不可為訓暮月三年宣尼有言知人則哲堯舜猶
難慎言謹行古之君子恕必恕人責斯責己曰褻而貶
曰刺而譽三代以降此風紛如

擬齊梁怨別

為妻莫為估客妻今日伯勞明日燕夢中屢往逐郎遊
屢往逐郎夢亦倦

擬瀛臺曉春迴文詩

煙籠柳岬移舟櫂雨過桃蹊散步輳妍景盡同春日曉
脆聲管似鳥音諧鳶魚妙趣悟飛躍巧質論文諭陞階
蠲靜慮惟耽日永法書叅學辨痕釵

擬四季四聲四首

平聲

和韶迴年光鴻鈞融青陽芳葩含宮梅輕煙縈塘楊新
畚耕人紛名園遊驄驤佳哉皇州春同民欣時康

平上聲

披薰於南來撫景喜長養風荷多幽馨雨篠滿好響乘
涼蟬鳴枝守靜鳥止幌高齋云何耽古史每在掌

平去聲

高秋清宜人暢步信快意涼風飄庭桐墜露湛砌桂寒

砧鳴遙村素扇置翠筍西成欣豐穰庶脩望歲計

平入聲

元英旋璿璣栗烈忽朔節氤氲生同雲淅瀝落密雪多
貧思茅簷獨樂惡玉關惟餘烹三清略覺適寂悅

擬春日疊韻詩二首

東風蓬沖融露樹固布濩坡莎多婆娑步履佳顧趣
町迎晴爭耕只此使已喜芳塘常徜徉綺慈美以始

擬君臣雙聲詩二首

皮日休亦有此體然疎杉冷鷺字母雖同脣齒音
韻之間未盡善焉今以一韻分平仄較日休為尤
密云

顯賢佐明命民閔切一意慎身敢忽荒兢敬懷歌器

視事授為位深審資恤宣出處合道德私思

去聲莫倦蠲

擬言志一字雙聲詩

既成前體又出新裁想無祖鞭自我作古

春風風萬物春雨雨一犁解衣衣賢能景行行仰兮

擬閒詠以題十五字離合五首

楓香礪

愛看紅葉栽靈木
風籟含香度隴
禾日日乘閒樂
泉石間關還聽鳥聲多

農畊好

催畊布穀鳴林曲
辰吉相將事力田
井井鱗塍來饁女
子牽童抱繞身邊

眺閒館

山川奚必窮游目眇睽忘時道義門月色風聲堪共食
官蛙一任雨中喧

志鏡泉

耳聆快處如談士心合元來似斷金
竟日不須雙眼白水情雲態足澄臨

哦詩趣

王規尚有談天口我亦安能鎮忘
去聲言寺憶雲林廊下
走取裁愛是冷泉存

擬懷錫山藥名離合二首

錫山曾遊憩處也今見日休此作不覺神往暗竇
明亭之間適獲我心一依彼體

九龍憶得春光淡竹徑僧房有路通草色鋪茵香菊鬱
金輪頂禮法雲中

上方結構靈山半夏日何當坐聽松香界現前心獨遠
志依雲水鎮重重

錫山有
聽松菴

擬前題縣名離合二首

惠泉名久擅東吳橋外煙光有若無極目拈毫得句秀
水鄉遊興幾年孤

一棹梁溪徹底清平明登岼訪山行唐時逸少人如玉
山寺依稀有泐名

擬四詠四聲詩四首

日休四聲詩曰平聲曰平上曰平去曰平入今以
專聲成什略示別裁其四詠則仍博士公齋各題
長短彼原不拘六句茲歸一律

小松 平聲

黃山新移來
童童低枝松
虬騰洪濤翻
龍蟠青雲濃
休論岑樓高
凌霄終能從

小桂 上聲

幾本牡菌種
待長短且小
朗朗影偃蹇
繁縷子窈窕
隱遯所以乃
綺醜引靜抱

新竹 去聲

傍砌種嫩簌
介蒨候鳳至
露重翡翠幹
籟泛夏篋
吹競

醉向秀輩傲世寄素志

鶴屏

入聲

隔席列穀幅孰作玉立鶴落落欲匹鹿啄啄不屑雀逸
質結連躅霍嶽雪翼託

擬花朝離合古人名二絕

草向秀坪輕染色柳和凝靄淡拖姿山居易白覺春光

好心若虛

張

舟不繫時

花色融日將舒萼燕謝元冬盡發茲四顧歡情信何極

登樓望遠思悠哉

擬江南曲縣名離合五首

皮日休無此體陸龜蒙擬古而不用離合偶拈縣
名成句並各以首句為韻

魚戲蓮葉間徘徊自覺安溪風動翠柄珠露傾團團
魚戲蓮葉東明霞入水紅吳娃盪漿去為妬花相同
魚戲蓮葉西林光漾遠隄採蓮發清謳爭出越來溪
魚戲蓮葉南樂意浮波恬花瓣落明漪闐然相喁噏

魚戲蓮葉北流綺渺何極潛躍隨所如鷓鴣窺不得

過通州

上

陵時節近清明曉發鳴梢出帝京樹杪遙看塔影矗移
時隄外潞川橫

雪餘芳埒不生塵隄柳籠煙色漸新最喜輕輿憑望處
青郊土潤有畊人

郡城埤堦枕河涯煙樹參差萬戶披試上高樓眺空濶

也應並入謝家詩

楚尾吳頭通一水幾多舸艦泊河灣往來為問營營者
名利誰除兩字關

春夕白澗行宮作

廣甸諸籟靜澹蕩春宵清春雲時聚散隱現春月明別
館時停驂即事多怡情宴息戒懷居書史供研精妙理
資探微景行在躬行

翠雲山房作

春冬無改青雲鼓明亭密室宛轉通千秋以上幾編史
半日之憩十畝宮風清月白儘堪託今來昔去其何窮
蒼巖拔地有絕識不著一語叅穹窿

題翠雲山房松樹

創築巖齋就種松今來翠榦欲擎龍因知得地成原易
會至叅天孰與從

恭謁

景陵敬成長句

有序

皇祖陟遐於今三十餘載每謁

景陵追遡

音容不勝感痛今歲適有西師之役蓋準夷自

皇祖時恃其險遠鷁張絕漠比遭篡奪部衆分奔內屬

者襁至踵接因命帥師徂定仰藉

鴻庥敬成

夙志祇申默禱紀以長言

比歲來瞻匪事頻吾衷有願此虔申

音容日遠仍如昔松柏雲森又報春伊古

一人信魏蕩大清九寓盡臣民西師欲歲

當年志還冀

鴻庥奠漠垠

桃花寺行宮三首

山桃蓓蕾欲開花昨日春陰寒轉加不肯一齊都放了
女夷今解惜韶華

寺側軒齋可十楹有松蒼古有泉清
泉聲松韻相酬答

七字其間適爾成

虛窓含遠臨無地老枯拏空帶有雲排遣塵縈歸淨業
來叅大塊箇中文

獨樂寺壘去歲韻

梵宇維新又隔年經過小憩淨廬筵了無諸慮翳心鏡
喜有羣峯削掌蓮不識寺僧誰說偈何如春鳥解芸田
行雲流水叅今昔謝孟嗤他較後先

薊城西

榮騎春日薊城西凍蘇脈土多淤泥前旬甘雪太優渥
却教農父遲翻犁北方地高例愁旱方欣膏澤及時善
過潤艱耕乃見茲對之又為愁展轉高原下隰難齊均
彼難均者皆吾民此地去年況遭澇麥秋亟望賙飢貧
春雲邇日頻沾浥願雨高原停下隰鴻鈞應物本大公
豈似人情分等級

駐蹕靜寄山莊

旋輿路便訪雲關別業依然松石間太古由來自人世

花朝恰好度盤山明亭暗竇聊云美行攬居吟未可刪
五日為期何太速萬幾待理敢耽閒

半天樓

名山纔隔歲是日聊乘閒雲外坐高閣天風吹袂寒乾
坤無盡歲誰云眼界寬春來草始綠冬過楓留丹撫壁
吟前題了知無往還

雲林石室

碑兀穿詭石徑仄竒松稠陰崖雪已消垂紳瀉寒流笠

亭樓欹寄坐來窓壁幽一靜屏諸營萬景任紛投大士
常住相莊嚴閱千秋古鉢吐芳蘭願從聞思脩

花朝作

洛陽花朝二月二浙湖正用月之望設使女夷果設慨
兩處參差何所向北寒花朝每無花無花何礙花朝嘉
田盤松石自太古豈識時世裝鉛華

古中盤

中盤之古唐以前泉甘木茂猶疑然穿松度石造其阻

山空谷靜真佛所盤阿精舍乃一亭到來小憩忘色形
陰磴冰紳幾條白春嶺松蓋千層青英英雲氣封中吐
蒼鬱黳黳彌四字崎嶇向逕忽已迷玉海青蓮花上處
青蓮花上處無何豁然開朗乾闥婆迴薄萬象叅紛羅
古中盤者悟者麼

過少林寺

少林經過漫留憩結念上方雲外層祇箇禪房快披賞
攜毫飛興我原曾

上方寺

欽寄曲棧草生新問景田盤隔歲人往往泉聲鳴石底
明明雪色挂崖根谷中朝靄常封寺樹杪山禽解語春
却到上方諸品淨綠窓一一印其真

東竺菴壘去歲韻

適從上方來稅駕聊於此一以憩衆勞一以暢予喜陽
阿氣先暖古杏吐新蕊嶽山聞絳雪捨是無他矣去歲
偶成圖今朝悟斯旨

雲淨寺

黃緣蘿逕通嶺複樓花宮大士禮金色層樓坐碧空奧
曠恣心賞竒秀窮天工閒雲真淨淨遠春方蓬蓬藉曰
戒綺言其如吟興攻

千尺雪

遊山乘好春言旋未卓午山莊咫尺近依牆構軒宇下
馬每憩茲三楹清爾許迴落千尺雪平貯一泓渚松濤
泛上簷峽籟翻底礎或為勇丈夫慷慨悲歌舉或為兒

女子囁嚅相爾汝或為金石堅憂之鳳來舞或為絲管
脆奏之行雲佇竹爐亦在旁汲取活火煮無色聲香味
誰能信此語

再題半天樓

切顯高樓倚碧岑虛窓納遠豁清襟向來跋馬山中路
幾片雲封靜且深

朶山亭

亭據朶山巔朶山抱亭內可號青瑤屏又如虞氏敦宜

居仝羨流不然李杜輩塵襟恐弗當聊此託清愛

池上居

一泓含碧鏡光披鏡面仙居架石為樂水適因俯春水
此池真可號天池招來野鶴原無繫放去飛鳧任所之
時有遊活鳧者放之池中任其飛去也朝暮煙霞望月崇情幽槩總相
宜

婉孌草堂

堂中懸董畫摘取以為名崑山將田盤南北何殊爭石

激韻冷玉春松挺雲英婉孌信婉孌遠俗惟延清望古
生遐思邈焉難抗衡

學書

底論元常及右軍幾餘養性自懷欣學書亦可通為學
心欲和平力欲勤

題董其昌婉孌草堂圖

草堂圖掛草堂壁宗伯風流想像間一至田盤吟一度
興因神會趣因閒

小石城

造物雖無私亦自有界限石城非人為磊磊連巉巖俗
子豈得入仙客或可欸那藉虎豹守祇以煙霞筦而我
常往來興正復不淺

對瀑

聲是喧中寂形從峙處流豈知千古逝堪使萬緣收謂
動全含靜當春解作秋松濤和石瀨意氣總相投

草色

盤中草色日芊緜
露氣煙光暎砌鮮
莫怪人間春尚早
桃花源裏是先天

韻松軒

古榦無風常作濤
謾謾靜定動亦定
枝上春禽送好音
似與松聲相協應
弄影偏宜夜珠掛
歲形除是朝嵐凝
蠲滌萬慮謝塵縈
佗喬得之以養性
視於無形聽無聲
吾方用此通為政

再題千尺雪

洒然茶舍俯流泉
茗椀筠爐映碧鮮
陸羽陶成聊韻事
箇人合是箇中仙

暖

繚曲谷朝陽廻環山
列屏暖律先盎春
韶光已可憑石
罅
莎含綠阿邊柳舒青
臨高縱遙目潤土爭
新耕萬景
紛吾前惟是足怡情

題唐寅品茶圖仍疊其韻

壁張墨戲寫烹茶
汲雪因教試薺芽
正是盤中春好處

撫松坐石意為嘉

澹懷堂

山深乃藏真地靈始啟秀襟懷屬人澄亦藉境緣湊諸
葛悅澹泊妙蘊無不囿所在輒名堂於斯名更副座上
披陳編窓中列遠岫近玩欣古芬遙騁得新邁冲融養
吾真毋使天機寇

千相寺

東谷寺較少千相乃稱絕山莊喜不遙雲迳幾曲折亂

石穿磊磊幽泉度泱泱花宮忽已到淨土真堪悅調御
祇獨尊千相名誰設昔聞有古德於此棲巖穴木石為寢
處虎豹相玩狎一朝遇良契枯禪悟指月把臂送出谷
落淚殷勤別既云物我空此又如何說

慈山遇隱者
事見盤山志

陰

山雲傍晚重靄靄千峯月色韜春宇籟聲息巖松春
雨無不佳望澤心何窮昨見薊城西太潤艱耕農又覺
不雨可自問將奚從

天成寺

春煙壑靄幻松杉崖口纔過迥不凡
漱雪泉聲飛萬澗
千雲塔影出千巖
山蹊似畫還饒步
寺閣如船只少帆
坐靜惟聞鈴鐸響
梵音界裏悟華嚴

萬松寺

昔來見松枯惜謂松遭劫
今來見松苑幽懷為松悅
惜悅皆儻然裁成亦有說
蒼松本壽客何致生意滅
徘徊思其故叅以所聞閱
寺僧圖目前繞樹剥膚甲
取以供

炊爨裸立何能活因之劖材鬻牟利誠不拙吁哉貞幹
質枉使遇摧折申命禁所為毋俾生機泄枯枝及落葉
儘可煨楫拙留松為山姿青雲常護法亦可招客來施
檀仍爾業此禁不數月守令如守偈蒼松果迴綠重見
蔥菁列百丈挈翠龍森森鬱岫嶂苑枯松不知悅惜吾
何切晰理及輔相願因通理物

青峯寺六韻

初地今初到青峯最上峯千秋金相好一朶翠芙蓉松

籟風中靜莎茵雨後濃福田非所慕

是寺新為脩葺

淨業偶相

從境是琉璃界僧忘洞濟宗詩成跋馬去雲外聽鳴鐘

雙峯寺

層椒覓路敞禪關仄徑流泉度幾灣幾暇聊因閒策馬
春陰端是稱遊山平陵傑閣真宜眺背峙羣峯杳莫攀
好景山靈藏不得何人奇句破天慳

法藏寺

雙峯法藏近尺咫石棧縈紆能令遠一帶禪林欲畢遊

雲扉蘿徑窮委宛草亭靜對盤龍松太古色滿清聽滿
圖其大概歸細吟坐久恐防行漏晚

雲罩寺三首

人行谷口雲猶罩及到峯頭雲盡開妙義此中應了識
天龍歡待攬山來

層樓開牖納天風梵網簷鈴演色空迴視雙峰將法藏
寶珠光在翠雲中

精藍小憩坐山樓樓上前題著壁留即此便成常住相

誰云駒影迅於流

盤龍松歌

何處無松盤山之松天下松之宗盤山何處無松法藏
之松盤山羣松之祖龍十餘年來將謂田盤大略吾遍
考孰知盤龍之名今日吾方曉乃知理境本無窮誰能
一一研精討昨夜不曾夢非熊胡然而遇渭濱老盤之
龍之而鱗甲擎雲空傳神如遇陳所翁龍之盤偃蹇天
矯蟠空山設色不須楊契丹幄佺曾此食其子香聞應

通一百里

述異記云千年之松香聞十里

田疇不賣盧龍塞其時佳陰

之下常徙倚是松真龍非龍不盤宇宙萬劫雲翠濤寒

遊山廻至山莊三首

明廷咨政過辰牌乘暇春山一暢懷却入苑牆廻首望

定光塔影白雲埋

是日到雲罩而未登塔

一往來遊窮六寺或初到

青峯雙峯法藏

或舊曾經

天成萬松雲罩心

中攜得盤龍狀便與乘閒寫色形

法藏寺內盤龍松古翠宜人歸而圖之

時晴時晦幻千巒信是山靈技畢殫幾首詩休作詩讀

合如記里畫圖看

雨

蔚薈朝來重旋成細雨霏坡茵齊綴琲嶺樹亂棼絲有
喜遐思麥無聲暗濕衣薊城艱種處又為念依依

春是農耕候雨為天地仁不應分畛域益用戴鴻鈞峯
色況如沐耕畦正好巡壺中有真趣步步更無塵

題農樂軒

農樂必西成春田始載耕雨中景雖好自凜戒言盈

冷然閣

遊山思小憩高閣翠微裏下臨無地虛仰視諸天咫尺非
風松亦鳴有石雲同起即目不遑他會心率於此精義
一以契常言亦佳矣

雨中千尺雪

濕絲時止復時零煙意千山幻色形茶舍到來閒便坐
石泉宜向雨中聽波涵靜渚心同澈雲住高峯態自靈
明日輕輿歸路好欣看膏隴麥含青

得概軒春望

向遠開軒稱得概，偶來恰喜織廉纖。
高原下隰尋常見，雨笠煙蓑取次拈。
不礙濃雲四五片，纔藏遙岫兩三尖。
誰知連日山莊住，爾許詩情此際添。

雨中登半天樓

細雨了不寒，春山恰如沐。
肩輿衝煙絲，雲壑度幾曲。
巖樓號半天，每到延清矚。
雨景得始遇，秀潤罨林麓。
遠甸耕濕土，何人叱牛犢。
布帳開細溝，何人課童僕。
雲罩祇

聞鐘山僧却眠熟

雨花室

雲深峯影幻葉重林光漾
天花散半空月牖納千嶂
觀為喜世界聽作清供養
必曰曼陀羅是名著色相

盤山旋蹕作

仙莊五日促歸程
煙泮平林宿雨晴
土發膏香連遠近
林含花意報清明
迴看雲裏藏螺色
愛聽村頭叱犢聲
只有定光羣玉表
山靈迎送稱去人情

雨後

雨後青郊淑氣恬
杏花村舍颺青帘
網緼未肯輕開霽
纔露遙峯四五尖

霑足明知利麥禾
間聽漸石旅人歌
長官却謝脩除率
為汝歡欣不汝訶

高原固喜資耕易
下隰亦愁播種艱
京兆飛章報時雨
寧知愁喜萃其間

甘膏霑被真艱致
北地無多高阜田
百一之低為躊躇

音
佇自惟吾亦太求全

迴蹕詣

暢春園問

安

十日春巡返六驂

起居先詣玉階參

膝前擬報耕均好庭外猶看雨繼甘

徐零密灑烟空表潤葉濯枝仙苑間春色今年似江國

萱階萬景悅

慈顏

御製詩二集卷五十五

欽定四庫全書

御製詩二集卷五十六

古今體八十一首

乙亥三

御園仲春

宿潤連林暗遠嵐韶光耐可事幽探綠凝柳陌絲方罥
紅重桃蹊蕊尚含新水柔於雲出谷平湖圓似鏡開函
溶溶著箇輕舟泛明聖遙同印月三

題春雨軒六韻

識喜聞元聖為書號得禾春膏今歲慶別殿落成歌後
樂誠堪誌先憂竟若何名因當去聲時易趣愛此間多藻
績寧須亟清閒每一過如斯願振古六幕永綏和

蘊真齋

遊覽未可亟宴息貴有時澹寧斯亦佳藻績徒爾為遠
愧堯代階近取謝氏詩葆光味妙理養粹協化機寧獨
尚清靜治理從此施

晴

春光淡蕩旋添妍綻
葢風柔二月天
衣試輕寒緣宿雨
橋過別浦暗新煙
欣從散步披晴日
樂在農耕遍大田
熟食空傳節令在
何須賜火溯遺編

恭奉

皇太后御園遊覽即景成什

嫩日光風宿雨晴
御園節物報清明
煙花契妙將三月
歌舞承

歡合衆情北地桃
開先杏發東郊土
沃帶泥耕

慈懷預為田農喜麥壠迎舟兆已呈

即事

北地春艱雨例事衆所知近年頻霑澤深感造物私或
云南巡後風氣隱相隨其然豈其然天道或轉移利農
吾為慰進人吾為疑

用邵雍事曾有詩駁之

焉有枚卜重一鳥操

其機今歲又厚幸春霖遍且時下隰或沮洳高原及一
犁高原固甚佳下隰虞耕遲以此轉盼晴蜀望寧有涯
近畿膏已霑遠省復縈思聞霑河南北報逮山陝西撫

臣更有言云誠時雨師

陝西巡撫陳宏謀奏各屬雖有微雪仍望雨澤二月十五日至

十九日連雨霑足時西路官兵正歷其境臣民喜悅以為時雨之師

時雨則何當

天恩敢弗寅綏遠固要政飭農要倍之但期禾黍豐跋
涉衆寧辭序佳幾務閒應我心暫怡心暫怡豈能一刻
千里馳

題方琮山水圖

桃蹊春靄

太古千峯靜幽人一事無谷神能蘊藉春色有工夫蕭

寺依雲構危亭借石扶亦云工位置吳苑此規模

琮學
張宗

蒼畫法

故云

楓林秋意

一夜霜吹字千林葉續峯蕭蕭且未下
燭燭轉如濃彷彿天孫織依稀白帝逢
扶筇人小住應是託喬松

喜晴

次第韶光劇可憐潤含林塢泮朝煙輕雲乍散春曦嫩
火迫山桃盡放妍

曉起莎茵土氣香較來北地得何常東風吹雨花園好
繪出當年長史張

仲春時節喜時晴創事非恒暢快生設使桃堪作梅觀
去聲泛舟直擬是江城

間

人孰不喜閒偶閒轉不安豈是異恒性心切為君難

題惠山園壘前韻

山白桃花可喚梅依依臨水數枝開九龍今日何神肖

為是光春雨後來

再題惠山園八景

載時堂

雲水相澄上下鮮坐來惟愛手芸編流陰每擬惜陶侃
仰止無因溯史遷

墨妙軒

真詮已萃千秋寶清賞還同八詠樓
釵腳漏痕猶刻畫
請看石立與泉流

就雲樓

全至雲煙無定態
朗開窓牖有奇觀
衣霑為入山深處
張旭形容契者難

澹碧齋

拍檻漪瀾歛灩光
游魚潛躍樂相忘
琉璃界裏水精闌
一物不塵六月涼

水樂亭

峽琴金石韻鏗鏘
不攫中

去聲

宮還中
商本意由來肖吳

下何妨並認作東陽

知魚橋

林泉咫尺足清娛撥刺文鱗動綠蒲當日惠莊評論處
至今知者是娜隅

尋詩逕

詰曲穿雲復度松山如飯顆翠還濃詎諧白也苦吟杜
疑是曾於此處逢

涵光洞

崦嵫牝谷靜涵虛入畫可遊亦可居
朱戶只疑雙鑄處
藏來二酉有遺書

昆明湖泛舟之作

雨後湖山上下鮮
蘭舟緩棹破溪煙
千重雲樹綠纔吐
一帶霞桃紅欲然
賣酪聲稀禁火後
流觴景試禊朝前
六橋那畔猶堪賞
水足陂塍待治田

景明樓

隄亘明湖迥置樓
春和佳概雅相投
汀蘭岬芷晴舒暖

綠柳紅桃風拂柔布席只疑天上坐憑窓何異鏡中遊
鵲鵲鳬雁煙波濶豈必無心獨野鷗

玉河

玉河五里玉泉接每以尋源便溯流伊軋櫓聲知近遠
菜花黃裏度紅舟

耕織圖口占

玉帶橋西耕織圖織雲耕雨學東吳水天氣象略如彼
衣食根源每厘吾

仲春玉泉山

進舟芳節訪春山，沿攬聊乘片刻閒。
柳遲去聲謝庭芬詠

句，花拈迦葉笑，開顏迎。人生意，三壺裏，蓄眼殊觀廿日

間。

自盤山旋蹕未至玉泉者恰二十餘日。

更有憑高心愜處，鱗塍水足碧

潺潺。

女夷動物不能緘，擘萼彈苞滿翠巖。信矣鴻鈞恩溥博，果然形色總和誠。
鏡湖欲數魚鱗葺畫棟，將聞燕語喃。寂是山川明秀處，啟人藻思自超凡。

呂祖洞

墨胎古洞閱時年應禱脩誠致意虔雲鶴仙儀為重整
年來祈禱雨雪屢應特為重加莊嚴祇求歲美不求仙

華滋館

春雨既云時春晴良復善春物正昌昌春遊亦緩緩明
秀繪春節棲遲憩春館華滋信華滋興會每不淺庭饒
花木芳座愛圖書展返真味道腴孜孜吾當勉

題張宗蒼江湖圖

重疊東隘相吞吐方諸應月信必赴奔江射潮潮性怒
銀濤有進無迴顧洞汨窅窅移神慮何來峰頂閒亭據
世人未許知其故即是成連迎師處

萬壽寺

柳岼維輕舫花宮凭綺疏春光已靄靄大士祇如鳥
語繁花下松陰靜雨餘闌黎習禪寂不事事鐘魚

詠如意

心澄何所事腕動儘相隨雅合談元執那堪臨陣麾檀

稱香是體玉以德為儀有願皆能遂余心懼在茲

仲春齋居

中祀齋二日一心誠則同況此將耕藉為歲祈

先農今春

天澤溥土潤興田功密雲猶靄靄細雨時濛濛際和心
益凜凜敢弛寅恭有年祝九寓無逸勵九重

祭

先農壇

練日臨祥亥占農逮正晨祈豐

祀脩潔致敬宇維新

上年脩

南北郊壇工竣即命重先農壇并於壇外多植嘉樹

而禁種菜以致蠲潔時方歲役贊

帝降嘉種於時此大徇即看土膏潤慰悚戴

鴻鈞

耕藉詞三首

洪縻在手御犁扶京兆司農執事趨詎止游場循典禮
要知農重視農廡

雨露春鴈命耕時千畝祥風颭綵旗歲歲躬親不遑逸
劬農

家法式勤思

欄輝白玉望耕臺帝藉今年禮倍該

望耕臺舊以木為之今改建石臺

恰值青郊一犁足惠風合拂曉雲開

暮春瀛臺即景雜咏

花明柳暗暮春初韶秀青山過雨餘不擬流觴脩禊事

龍跳

平聲

為乏右軍書

日知閣對流杯處觴詠當年集翰林
鼓響春音曾幾載却成佳話壁間吟

松巖石秀皆因舊茶舍三間自我成
昨過田盤千尺雪耳聲目色至今清

溶溶春水漾輕舠戟戟新蒲起鷺
翮最好春陰瓊島望綠瓊雲上塔輪高

金源團殿記春明太液低臨玉螭橫
設使崑崙誠可到此間十二是曾城

堂俯漪瀾翰墨清熙春風物總怡情一拈鬚一章詩就
率易由人著語評

承光殿

朶殿年芳入綺錢崔巍疑陟閭風巔琪花瑤草神仙地
細雨柔風上巳天陰凝去聲瓊華遮半塔波涵太液漾輕
船登臨底識予心慰四野春膏沃甫田

玉泉春望

水滌靈源山疊秀林光花意總先時船從紅雨香中繫

輦向翠雲深處移螺頂一亭成小憩
蜃窓幾燈寄清思
可憐春果宜東望萬景昆明座席披

玉蘭

匪穠而麗淡而芳本分仙人素穀裝
更喜佩阿神解處
不因世事涉雌黃

文徵明飛瀑松聲即用其韻

巖間松韻答泉聲策杖高人與目成
記得寒山千尺雪
無端一中去聲盡中情

恭謁

泰陵啟蹕之作

命師奠西極有事告

二陵我東曰歸時我心西悲生耕藉並問

安月吏對明廷諸務既備舉啟蹕發前旌一心憶

冠劍二十易霜星三宿不為遙覺如萬里程

過盧溝橋

盧溝橋北無河患盧溝橋南河患頻橋北隄防本不事

橋南築隄高嶙峋隄長

上聲下同

河亦隨之長行水牆上徒

勞人我欲棄地使讓水安得餘地置彼民或云地亦不必讓但棄隄防水自循言之似易行不易今古異宜難具論

半壁店

樹籠村店水彎環別館居停構此間春壠詩情滿幽野
雲巖畫意妙房山往來忽訝廿年過俯仰聊乘片刻閒
祇有門前溪溜碧聲和哀玉鎮潺潺

杏

東風不偏黨萬彙入洪鈞朝來紅杏花報我野館春和
嬌無俗態冷芳有別神凡雀本宿識繞樹猶懷新儻逢
復儻去分付成香塵

永慕齋

樸斷閒齋預宿便別來永慕忽經年無眠此夜難為夢
有夢仍飛隔嶺煙

恭謁

泰陵有序

準噶爾自

皇祖時策妄阿拉布坦恃遠跳梁即以命將致討我
皇考欲繼

前志議以兩路進剿適值噶爾丹策凌方肆鴟張未及
翦盪旋即罷師踐阼以來亦惟置之度外羈縻而
已比者達瓦齊篡奪頻仍諸部瓦解名王部落接
踵內屬機不可失義有必伸爰命大臣統新附之

衆益以八旗良騎分路致討異以仰成

皇考未竟之緒祇謁

山陵祈垂

默佑云

橋山儀樹鬱蔥然

憑几悲深忽廿年承

昔懷柔綏月竈逮今歸順接祁連乘時欲事日中焚命
將因寧漠外邊

先志敬成何敢必尚希

景佑奏功遄

曉行即事

東風曉日沍寒徂蕪長

上聲

亭臯露氣濡馬踏土香迎目

潤年來春景得曾無

窄地牂楊冒綠絲鞭停珠勒意為遲即看夾路成陰者
記得移栽拱把時

隴首紅英護華門江南彷彿杏花村今年春野偏宜望

處處耕犁溼土翻

春麥纔生秋麥長綠蒔一律染煙光
已霑好雨仍希澤
未敢輕言餅餌香

畫梅

趙北春風綻杏花馬頭殘雪暎朝霞
江南正是梅開候
便寫一枝疎影斜

秋瀾村

溪流泛春碧村塢駐秋瀾
舍宇憩今夕詩書尋古歡
房

山雲氣重冀野麥田寬到處祈年意求安未敢安

涿鹿行

經臨涿鹿城因歌涿鹿行太行濕水互表裏杏村柳陌
過清明間閭氣象略溫飽聞道去年秋頗好未經見豈
無飢寒粉飾詞虞出官巧軒轅熊羆靖室尤耕桑今日
三輔稠懷音狼臙與石留薄伐采入全功收流沙西被
戎索修

閱永定河

永定本無定竹箭激濁湍長源來塞外兩山東其間挾沙下且駛不致為災患一過盧溝橋平行漸就寬散漫任所流停沙每成山其流復他徙自古稱桑乾所以䟽剔方不見紀冬官一水麥雖成諺云一水一麥之地亦時災大田因之創築隄

聖人哀民艱

永定築隄始自康熙三十二年

行水屬之淀蕩漾歸清川

其初非不佳無奈歷多年河底日以高隄牆日以穿無已改下流至今凡三遷

永定下流入淀挾沙易淤故下口數徙康熙年間由柳汊口雍

正年間由三角淀近年
改由冰窖今復漸淤

前歲所遷口復歎門限然大吏

請予視蒿目徒憂煎我無禹之能況禹未治旃詎云其

可再不過為補偏下口依汝移

總督方觀承建議移
下口於北隄之東目

下庶且延復古事更張尋思有所難

南紅門外

閱河迴蹕有餘暇南苑經過取便途
淡愛輕煙泮遠樹
香生濃露濕新蕪

試馬常年獵野坳宣傳今日得教停
羽林莫訝耽閒嬾

為惜連村麥隴青

杏紅李白柳青絲黃鳥綠蠻語亦奇春色春聲饒野趣
垂鞭佳處意為遲

南紅門行宮晚坐

春宵方澹蕩春月亦娟妍行宮雖數字俯仰足安便澄
懷對今夕遐心憶昔年數漏炷名香翻書課芸編澄懷
觀道妙如親古聖賢

行園三首

綠原小試佶閑騶

所乘馬名

俞騎鴻網認五存勝日尋芳蕪

示度雕龍何用賦春蒐

露潤青衢草氣醺陽和舉目化機舍季登漫詠中雙兔

一日雙還倍彼三

是日凡射中八兔故云

生風耳後最豪情付廿年前繡壤平不廢武還思諫獵

箇中吾自有權衡

舊衙門行宮即事

面勢菁蔥綠野寬罷圍隨處可游盤庭饒芳毯鋪生意

座有芸編結古歡
昨歲詩情看荏苒
離宮春色又闌珊
問誰結習曾消盡
漸去陳言寄靜觀

德壽寺

李白海棠紅花宮
本是宮由今還視
昔惟色演真空大
士如如相光春澹
澹風迴瞻牆頂柏
翠擁法雲叢

題蔭榆書屋

書屋三間號蔭榆
墨壺琴薦足清娛
無過信宿依然去
似此安能味道腴

曉

夢迴衾幃清簷禽纔啁聲寒帷視窓紙昀猶未明就
枕擬續眠常侍忽秉檠曰有邊報來馳奏傳軍情立起
籌事機匪博求衣名

新衙門行宮述懷

廿里行宮信宿移芳郊獵罷小棲遲綠窓青簡渾如昔
喬樹叢花又一時學擬較先仍憊若治雖望古每慙之
吾懷聊復摛毫述自哂何須更爾為

月

九十令臨三度圓故教此夕太清妍微寒不礙花前倚
能潔那拌枕上眠潤逼露叢翻淥淥影因風篠蕩娟娟
若虛果契搖情妙底更春江泛舸船

詠綠牡丹

閱盡洛陽種空聞黃紫傳盈盈綠瓊質薿薿羽衣仙洗
去鉛華態標來穀雨天姓名如藉問祇合顧羊權

豐臺

豐臺最有江南趣
今歲江南趣不如
綠柳紅桃三月半
景明恰值雨晴初

恭詣

暢春園問

皇太后安

十日巡迴面問

安敬勤未敢為遊盤
更將芳甸春耕好
悉達

萱階博

懿歡

暮春萬壽山

幾日瑤峯未眺登，疊林綠欲隱峻嶒。飛楊白絮定何謂，
飄墮紅英有底能。漸入清和山意靜，是日立夏預期甘雨我
憂仍當前。那似昆明水萬象，虛涵萬頃澄。

養雲軒

名山多奇境，平陵構疎軒。軒中何所有，朝暮饒雲烟。坐
入既不拒，寫去忽復旋。高詠陶氏傳，欲笑蘇家攬蓄矣。

發應時為霖利大田

夜雨

三月二十六日

爾來頻問夜渴待馳捷音驛章猶未至却報霏春霖怪
底衾枕寒淅瀝聽徐斟仲春澤已霑高下抽麥針人云
遲可俟我已望弗任籌邊慎遠圖劬農勵永心惟希三
寸渥無眠坐披襟

準噶爾台吉噶爾歲多爾濟歸化信至詩以紀事
呼偈披忱寵賜新風沙交臂又來賓命師底用張三伐

西北兩路所用薩拉爾阿睦爾撒納皆率先降附之準噶爾部衆將軍班第永常董帥之而已本欲以餘力舉之故禍牙命將諸

典禮皆未舉行 安遠惟因恤兆人

先是檄諭諸部因達瓦齊篡奪肆虐

荼毒諸部出師本意惟以伐罪寧人速近聞風願附耕者不變成慶來蘇

正喜捷音來禁苑

還期勦旅共賢臣水西流處均東面

天佑欽承倍敬寅

御製詩二集卷五十六